
四 圣 心 源

清·黄元御 撰

四圣心源自叙

医有黄帝、岐伯、越人、仲景四圣之书，争光日月。人亡代革，薪火无传，玉楸子悯后世作者不达其意，既解《伤寒》、《金匱》，乃于己巳^{〔1〕}二月作《四圣心源》，解内外百病，原始要终，以继先圣之业。创辟大略，遇事辍笔。庚午^{〔2〕}四月，北游帝城。十一月终，南赴清江。辛未^{〔3〕}二月，随驾武林^{〔4〕}。四月还署，研思旧草，十得其九，厥功未竟。八月十五，开舟北上，再客京华^{〔5〕}。壬申^{〔6〕}十月，作天人之解，续成全书。癸酉^{〔7〕}二月，解长沙药性^{〔8〕}，五月删定^{〔9〕}《伤寒》，七月笔削^{〔10〕}《金匱》，八月修温疫痘疹^{〔11〕}，成于九月十七。

维时霖雨初晴，商飙^{〔12〕}徐发，落木^{〔13〕}飘零，黄叶满阶。玉楸子处萧凉之虚馆，坐寂莫之闲床，起他乡之遥恨^{〔14〕}，生故国之绵思。悲哉！清秋之气也，黯然而远客之心矣，爰取《心源》故本，加之润色。

嗟乎！往者虞卿^{〔15〕}，违赵而著《春秋》^{〔16〕}，屈原去楚而作《离骚》。古人论述，往往失地远客，成于羁愁郁闷之中，及乎书竣业就，乃心独喜，然后知当时之失意，皆为后此之得意无穷也。向使虞卿终相赵国，屈原永宦楚邦，则《离骚》不作，《春秋》莫著，迄于今，其人已朽，其书不传，两人之得意，不如其失意也。

当世安乐之人，其得天者诚厚，然隙驹不留，尺波电谢^{〔17〕}，生存而处华屋，零落而归山丘^{〔18〕}，身与夕露同晞^{〔19〕}，名与朝华并灭，荆棘狐兔之中，樵牧歌吟之下，其为安乐者焉在！窃以为天之厚安乐之人，不如其厚羁愁之士，丈夫得失之际，非俗人之所知也。

〔1〕 己巳 乾隆十四年己巳，即公元一七四九年。

〔2〕 庚午 乾隆十五年庚午，即公元一七五零年。

〔3〕 辛未 乾隆十六年辛未，即公元一七五一年。

〔4〕 武林 今杭州市，清代名武林。

〔5〕 京华 即京都。京都为人文荟萃之处，故称京华。

〔6〕 壬申 乾隆十七年壬申，即公元一七五二年。

〔7〕 癸酉 乾隆十八年癸酉，即公元一七五三年。

〔8〕 长沙药性 指《长沙药解》。

〔9〕 删定 “删”，定其义也。“定”，修而不改也。删定，润色也。

〔10〕 笔削 古以竹筒记载文字，遇有讹误，则以刀削之，并用笔改正之，因谓修改文字为“笔削”，即订正也。

〔11〕 修温疫痘疹 “修”，撰著也。修温疫痘疹，指撰著《四圣悬枢》。

〔12〕 商飙(biāo 标) 秋风也。《梁书·沈约传·郊居赋》：“望商飙而永欢，每乐愔于斯观。”

〔13〕 落木 “落”，树叶脱落也。凡草曰零，木曰落。落木，脱落之树叶也。

〔14〕 恨 通“憾”。《广韵》：“憾，恨也。”

〔15〕 虞卿 战国时游说之士，姓虞，其名不传。说赵孝成王，赵以为上卿，受相印，乃号虞卿。主张以赵为主，合纵以抗秦。后因拯救魏相魏齐，弃相印，与魏齐同去赵，因困于大梁。已而魏齐死，虞卿穷愁著书。上采《春秋》，下观近世，曰节、义、称、号、操、摩、政、谋，凡八篇，以刺讥国家得失，世传为《虞氏春秋》。已佚。

〔16〕 《春秋》 指《虞氏春秋》。

〔17〕 隙驹不留，尺波电谢 喻易逝之光阴。

〔18〕 生存而处华屋，零落而归山丘 言人寿有限，富贵者亦终归死亡。

〔19〕 晞 《说文》：“晞，干也。”

顾自己已，以至壬申，历年多矣，元草未就，是天既长与以穷愁之境，而不频假以消闲之日。帝眷^{〔1〕}之隆，何可恃也，良时非多，勗^{〔2〕}之而已。

癸酉九月甲戌昌邑黄元御

〔1〕眷 器重也。

〔2〕勗(xù 蓄) 勉也。《说文》：“勗，勉也。”

四圣心源后序

医学盛于上古，而衰于后世。自黄岐立法，定经脉，和药石，以治民疾，天下遵守，莫之或贰。于是有和、缓、扁鹊、文挚、阳庆、仓公之徒相继而起，各传其术，以博施当世，而方药至张仲景而立极。厥后皇甫谧、王叔和、孙思邈祖述而发扬之。起废瘤，润枯弊，含生育物，绝厉消疹^{〔1〕}，黄岐之道，于斯为盛。自唐以降，其道日衰，渐变古制，以矜新创。至于金元，刘完素为泻火之说，朱彦修作补阴之法。海内沿染，竟相传习，蔑视古经，倾议前哲，攻击同异，辨说是非。于是为河间之学者，与易水之学争，为丹溪之学者，与局方之学争。门户既分，歧途错出，纷纭扰乱以至于今，而古法荡然矣。

夫医虽艺事，而拯疾痛，系生死，非芝菌星鸟之术，可以诡诞其辞也。阴阳有纪，五行有序，脉络有度，非博辨横议所能推移其则也。一病之作，古今如一，非风俗政令有时代之异也。一药之入，顺逆俄顷，非百年必世可虚通其说也。然而宋元以来，数百年间，人异其说，家自为法，按之往籍，则判若水火，综其会通，则背若秦越。夫岂民有异疾，药有异治哉？或俗学废古，恶旧喜新，务为变动，以结名誉。凡在学者，莫不皆然，而医其一也。故脉诀出而诊要亡，本草盛而物性异，长沙之书乱而伤寒莫治，刘朱之说行而杂病不起，天下之民，不死于病而死于医，以生人之道，为杀人之具，岂不哀哉！故凡艺或可殊途，唯医必归一致，古经具在，良验难诬，有识之士，不能不是古而非今矣。

余少好医学，博览方籍。读黄氏《素灵微蕴》、《伤寒悬解》，其于黄岐秦张之道，若网在纲，有条不紊。于是乃求其全书，积二十年不可得。岁在己丑^{〔2〕}，承乏馆陶^{〔3〕}，贡士张君蕴山为掖校官，得其书六种，录以畀^{〔4〕}余，乃得究其说，而益叹其学之至精。长沙而后，一火薪传，非自尊也。

余既刊《素灵微蕴》、《伤寒悬解》、《长沙药解》，而《四圣心源》为诸书之会极，乃复校而刊之。粗举源流正变，以引伸其说。世之为医者，能读黄氏书，则推脉义而得诊法，究药解而正物性，伤寒无夭札之民，杂病无膏肓之叹。上可得黄岐秦张之精，次可通叔和思邈之说，下可除河间丹溪之弊。昭先圣之大德，作生人之大卫，不亦懿哉！若乃规囿习俗，胶固师说，未遑^{〔5〕}研究，骇其偏矫，失后事之良资，为下士之闾道，则非余之所敢知矣。

道光十二年冬十一月阳湖张琦

〔1〕 疹(力) 天地四时之气反常，而危害人者。

〔2〕 己丑 道光九年己丑，即公元1929年。

〔3〕 馆陶 山东省馆陶县。

〔4〕 畀(bì 比) 《尔雅·释诂》：“畀，赐也。”

〔5〕 未遑 不及也。《后汉书·南匈奴传》：“光武初，方平诸夏，未遑外事。”

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

【更多】 >> <https://www.fozhu920.com/list/>